



JUDICIAL SYSTEM MONITORING PROGRAMME
PROGRAMA MONITORIZASAUN BA SISTEMA JUDISIÁRIU

Komunikadu Imprensa
Munisípiu Lautem no Manufahi
25 Janeiro 2018

JSMP kontinua fahe informasaun legal ba suku sira iha Munisípiu Lautem no Manufahi

Iha 12 Janeriu 2018 no 19 Janeiro 2018, Judicial System Monitoring Programme (JSMP), kontinua fahe informasaun ba autoridade suku, membru konsellu suku no comunidade sira iha Suku Daudere, postu Administrativu Lautem, Munisipiu Lospalos no Suku Babulo Postu Administrativu Same Manufahi.

Treinamentu iha Suku Daudere, postu Administrativu Lautem, Munisipiu Lospalos partisipa husi ema na'in 30 ne'ebé kompostu husi feto 14 no mane 16. Enkuantu iha suku Babulo, Postu Administrativu Same, Munisípiu Same-Manufahi partisipa husi autóridade suku, membru konsellu suku, ho total partisipante hamutuk 30 kompostu husi feto 11 no mane 19.

Materia ne'ebé apresenta no diskute iha treinamentu ne'e mak hanesan, direitu labarik, protesau labarik tuir lei aplikavel inklui lei internasional relevante hanesan Konvensaun Direitu Labarik, no tipu krime sira ne'ebé baibain akontese hasoru labarik.

Treinamentu ne'e ho objetivu atu hasa'e koñesimentu no kompriénsaun comunidade sira nian kona-ba direitu labarik, tipu krime hasoru menór no oinsá labarik sira bele asesu ba iha justisa formal.

“Treinamentu ne'e importante ba autóridade suku no konsellu suku sira tanba bele haklean liu tan sira nia papel tuir lei no.9/2016 ne'ebé regula mos sira nia knaar importante hodi bele asegura labarik sira nia ben-estar iha comunidade no oinsá bele ajuda labarik vítima sira hodi bele hetan justisa”, dehan Diretór Ezekutivu JSMP, Luis de oliveira Sampaio..

Xefe Suku Daudere Sr. Aderito Morais, iha sesaun abertura agradese teb-tebes ba iniciativa JSMP hodi realiza treinamentu ida-ne'e iha sira nia suku, nune'e bele klarifika sira nia duvida ne'ebé mak durante ne'e iha relasiona ho asuntos labarik no asesu ba justisa formál.

Iha parte seluk Administrador Munisípiu Manufahi Sr. Arantes Isaac Sarmiento apresia tebes ba prezensa JSMP iha Suku Babulo tanba bele fahe materia ne'ebé mak importante tanba durante ne'e autóridade lokál sira sempre halo mediasaun ba problema ne'ebé mak involve labarik. Tanba ne'e ho prezensa JSMP nian iha ne'e bele ajuda comunidade liu-liu estrutura suku sira atu iha koñesimentu adekuada kona-ba direitu labarik tuir lei aplikavel sira no ajuda sira hotu oinsa atu tau-matan no proteze labarik sira husi kualker violénsia no la halo diskriminasaun oi-oin hasoru labarik.

Administrador mos husu ba JSMP atu kontinua habelar informasaun hanesan ba suku sira seluk iha munisípiu manufahi.

Atividade ne'e realiza ho apoiu finanseiru husi Embaxada Canada, Jakarta-Indonezia.

Atu hatene informasaun liutan bele kontaktu:

Luis de Oliveira Sampaio

Diretór Ezekutivu JSMP

Emai : luis@jsmp.tl